

bands Borgarfjarðar, skólastjóri bændaskólans á Hvanneyri og skólastjóri héraðs- 112
skólans í Reykholti. Einnig verði tveir varamenn þessara manna og séu það odd- 24. júní
vitinn í Andakílshreppi og oddvitinn í Borgarneshreppi.

10. gr.

Reikningar sjóðsins skulu árlega gerðir af sjóðstjórninni og lagðir fyrir sýslu-
nefndir Mýra- og Borgarfjarðarsýslu til samþykktar.

11. gr.

Skipulagsskrá þessari má ekki breyta nema eftir tillögu sjóðstjórnar, enda sé
það samþykkt af sýslunefndum Mýrasýslu og Borgarfjarðarsýslu. Nafni og tilgangi
sjóðsins, semkvæmt gjafabréfi, má þó aldrei breyta.

12. gr.

Leita skal konunglegrar staðfestingar á skipulagsskrá þessari.

Framanrituð skipulagsskrá var þannig samþykkt á fundi sýslunefndar Mýra-
sýslu 6.—8. maí 1940 og á fundi sýslunefndar Borgarfjarðarsýslu 14.—16. maí 1940.

Skrifstofu Mýra- og Borgarfjarðarsýslu, 25. maí 1940.

Jón Steingrímsson.

REGLUGERÐ

113

um skyldu skipa og flugfara til að koma á tilteknar hafnar eða hafnarstaði til
þess að fá fyrstu og síðustu afgreiðslu hér á landi. 25. júní

1. gr.

Öll skip, sem koma hingað frá útlöndum og ætla að taka hér aðrar hafnir en
Reykjavíkurhöfn eða Akureyrarhöfn, skulu á leiðinni frá útlöndum taka höfn í ann-
ari hvorri þessara hafna til þess að fá fyrstu afgreiðslu hér, nema þau þurfi að leita
annara hafna í neyð, enda sannist það í sjóprófi, að um neyðarhöfn hafi verið að ræða.

Þá skulu öll skip, sem fara héðan til útlanda, láta síðast úr höfn annað hvort
úr Reykjavíkurhöfn eða Akureyrarhöfn.

2. gr.

Öll flugför, sem koma hingað frá útlöndum og ætla að lenda hér annarsstaðar
en í Reykjavík, skulu á leiðinni frá útlöndum lenda í Reykjavík til þess að fá fyrstu
afgreiðslu hér, nema þau þurfi að lenda annarsstaðar í neyð, enda sannist það fyrir
lögreglurétti, að um neyðarlending hafi verið að ræða.

Þá skulu öll flugför, sem fara héðan til útlanda, leggja síðast upp héðan frá
Reykjavík.

3. gr.

Til sönnunar því, að skip og flugför hafi fengið í ferð sinni að landinu tilskylda
fyrstu afgreiðslu hér á höfnum þeim og hafnarstöðum, sem getur í 1. og 2. gr. hér
að framan, skulu þau fá hjá tollyfirvöldunum á þessum stöðum skirteini þar að lút-
andi, sem ber að leggja fyrir tollyfirvöld hér, ef krafizt verður.

Skipum og flugförum er óheimilt að leggja af stað héðan til útlanda fyr en þau

113 hafa fengið tollvegabréf frá tollyfirvöldunum á höfnum þeim og hafnarstöðum, sem
25. júní getur í 1. og 2. gr. hér að framan.

4. gr.

Ef sérstakar ástæður eru fyrir hendi, getur ráðuneytið veitt undanþágu frá fram-
angreindum ákvæðum, enda sé undanþágu beiðst svo tímanlega, að ráðuneytið geti
gert nauðsynlegar öryggisráðstafanir, og skal fullnægt skilyrðum þeim, sem ráðu-
neytið kann að setja fyrir slíkum undanþáguveitingum.

5. gr.

Brot gegn fyrirmælum 1.—4. gr. hér að framan varða skipstjóra eða flugfarstjóra
sektum, allt að kr. 100000.00.

Nú tekur skip, sem í ferð sinni hingað hefir ekki fengið áður afgreiðslu hér
á landi, höfn annarsstaðar en á höfnum þeim, sem taldar eru í 1. gr. hér að framan,
og skulu þá ekki leyfðar samgöngur við slíkt skip og því tafarlaust vísað til Reykja-
víkur eða Akureyrar, nema það sé í nauðum statt. Sama gildir um flugför, sem lenda
í öðrum hafnarstöðum en í Reykjavík.

6. gr.

Reglugerð þessi er sett samkvæmt lögum nr. 63 31. desember 1937, um tollheimtu
og tolleftirlit, lögum um breyting á þeim lögum nr. 59 30. des. 1939 og bráðabirgða-
lögum frá 24. júní 1940, um sama efni.

Með reglugerð þessari er úr gildi numin 28. gr. reglugerðar nr. 123 25. nóvbr.
1938, um tollheimtu og tolleftirlit.

Reglugerð þessi öðlast þegar gildi.

Fjármálaráðuneytið, 25. júní 1940.

Jakob Möller.

Magnús Gíslason.

114

25. júní

SAMÞYKKT

um eyðingu svartbaks í Snæfellsness- og Hnappadalssýslu.

I. KAFLI

1. gr.

Svartbak skal eyða með skotum. Hreppsnefnd ræður skotmenn sem til þess eru
færir, og svo marga sem þurfa þykir. Verðlaun fyrir hvern skotinn svartbak sé 40
aurar, er greiðist eins og fyrir er mælt í lögum um eyðingu svartbaks nr. 66 frá 23.
júní 1936. Skotmenn skulu sanna, hve marga svartbaka þeir hafa skotið, á þann hátt
að leggja fram á manntalsþingum hægri væng fuglsins, og skal hann þá um leið
ónýttur af umboðsmanni hreppsnefndar.

Þá er og gjalddagi skotlauna.

2. gr.

Heimilt er svartbaksskyttu að skjóta svartbak hvar sem er, þó ekki nær frið-
lýstu eggveri eða selalögnum en gildandi lög ákveða.